

周
人
經
說

周人經說敘

孔子曰入其國其教可知也其爲人也溫柔敦厚詩教也

疏通知遠書教也廣博易良樂教也絜靜精微易教也恭

儉莊敬禮教也屬辭比事春秋教也鄭氏注云春秋多記諸侯朝聘會同有相

接之辭罪故詩之失愚書之失誣樂之失奢易之失賊禮

之失煩春秋之失亂失謂不能節其教者也詩敦厚近愚

相取則不能容人近於傷害春秋習戰爭之事近亂其爲人也溫柔敦厚而不愚則

浚於詩者也疏通知遠而不誣則浚於書者也廣博易良

而不奢則浚於樂者也絜靜精微而不賊則浚於易者也

恭儉莊敬而不煩則澹於禮者也屬辭比事而不亂則澹

於春秋者也

凡六經自禮亡樂缺其經文不可得而見之

於今所存者唯易書詩春秋四經而已此四經漢經師雖有注解亦未必淡台經指因博采周人所說者得易說一卷書說二卷詩說四卷春秋說一卷凡八卷既成無能爲敘謹以孔子此言弁其首書曰地平天成稱也雖有作者吾不嚴請矣

周人經說目錄

卷一 易說

卷二 書說上

卷三 書說下

卷四 詩說一

卷五 詩說二
以下原佚

卷六 詩說三

卷七 詩說四

卷八 春秋說

周人經說卷第一

蕭山 王紹蘭 南陔

易

易象

左氏說晉侯使韓宣子來聘觀書於大史氏見易象與魯
春秋曰周禮盡在魯矣吾乃今知周公之德與周之所以
王也

昭二年

乾之姤 其同人 其大有 其夬 其坤 坤之
剝

左氏說蔡墨曰龍水物也水官棄矣故龍不生得不然周易有之在乾三三之姤三三曰潛龍勿用其同人三三曰見龍在田其大有三三曰飛龍在天其夬三三曰亢龍有悔其坤三三曰見羣龍無首吉坤之剝三三曰龍戰于野若不朝夕見誰能物之

昭二十九年

坤之比

左氏說南蒯之將叛也枚筮之遇坤三三之比三三曰黃裳元吉以爲大吉也示子服惠伯曰卽欲有事何如惠伯曰吾嘗學此矣忠信之事則可不然必敗外彊內溫忠也

和以率貞信也故曰黃裳元吉黃中之色也裳下之飾也
元善之長也中不忠不得其色下不共不得其飾事不善
不得其極外內倡和爲忠率事以信爲其供養三德爲善
非此三者弗當且夫易不可以占險將何事也且可飾乎
中美能黃上美爲元下美則裳參成可筮猶有闕也筮雖
吉未也

昭十二年

六二之動直以方也

坤六二象辭

浚衣說曲袷如矩以應方負繩及踝以應直負繩抱方者
以直其政方其義也故易曰坤六二之動直以方也

鄭注云袷

交領也古者方領如今小兒衣領繩謂袷與後幅相當之縫也踝跟也言淡衣之直方應易之文也政或爲正孔疏引鄭注坤之六二云直也方也地之性此爻得中氣而在地上自然之性廣生萬物故生動直而且方

括囊無咎無譽

坤六四

荀子說凡言不合先王不順禮義謂之姦言雖辯君子不聽法先王順禮義黨學者然而不好言不樂言則必非誠士也故君子之於言也志好之行安之樂言之故君子必辯凡人莫不好言其所善而君子爲甚故贈人以言重於金石珠玉觀人以言美於黼黻文章聽人之言樂於鐘鼓琴瑟故君子之於言無厭鄙夫反是好其實不恤其文是

以終身不免埤汙備俗故易曰括囊無咎無譽腐儒之謂也

非相篇

屯之比

左氏說畢萬筮仕於晉遇屯三三之比三三辛廖占之曰吉屯固比入吉孰大焉其必蕃昌震爲土車從馬足居之兄長之母覆之眾歸之六體不易合而能固安而能殺公侯之卦也公侯之子孫必復其始

閔元年

屯屯之比 筮襲於夢

左氏說衛襄公嬖人嬖始生孟縶孔成子夢康叔謂已立

元余使羈之孫圉與史苟相之史朝亦夢康叔謂已余將命而子苟與孔烝鉏之曾孫圉相元史朝見成子告之夢夢協嫺始生子名之曰元孟絜之足不良弱行孔成子以周易筮之曰元尙享衛國主其社稷遇屯三三曰余尙立絜尙克嘉之遇屯三三之比三三以示史朝史朝曰元亨又何疑焉成子曰非長之謂乎對曰康叔名之可謂長矣孟非人也將不列於宗不可謂長且其繇曰利建侯嗣吉何建建非嗣也二卦皆云子其建之康叔命之二卦告之筮襲於夢武王所用也弗從何爲弱足者居侯主社稷臨

祭祀奉民人事鬼神從會朝又焉得居各以所利不亦可

乎昭七年

屯元亨利貞勿用有攸往利建侯

屯卦辭虞翻曰坎二之初剛柔交震

故元亨之初得正故利貞矣之外俯往初震得正起之欲應動而失位故勿用有攸往震為侯初剛難拔故利以建侯老子曰善建者不拔也

晉語公子親筮之曰尙有晉國得貞屯悔豫皆八也司空

季子說吉是在易皆利建侯不有晉國以輔王室安能建

侯我命筮曰尙有晉國筮告我曰利建侯得國之務也吉

孰大焉震車也坎水也屯厚也車班外內順以訓之泉原

以資之不有晉國何以當之震雷也車也坎勞也水也眾也主雷與車而尚水與眾車有震武也眾而順文也文武具厚之至也故曰屯其繇曰元亨利貞勿用有攸往利建侯主震雷長也故曰元眾而順嘉也故曰亨內有震雷故利貞車上水下必伯小事不濟壅也故曰勿用有攸往一夫之行也眾順而有威武故曰利建侯

韋注內曰貞外曰悔震下坎上屯坤

下震上豫得此兩卦震在屯為貞在豫為悔八謂震兩陰爻在貞在悔皆不動故曰皆八謂爻無為也易坤為大車震為動為雷今云車者車亦動聲象雷其為小車乎車震也班徧也徧外內者謂屯之內有震豫之外亦有震坤順也豫內為坤屯上與四亦為坤易以坤為眾坎為水水亦眾之類內為主也坎象在上故尚水與眾攸所也往之也

小人勿用有所之君子則利建侯行師震為長男為雷雷為諸侯故曰元元善之長也嘉善也眾順服善故曰亨亨嘉之會也屯內有震賈侍中云震以動之利也侯以正國貞也利義之和也貞事之幹也車動而上威也水動而下順也有威而眾從故必伯也濟成也小事小人之事壅震動而遇坎坎為險阻故曰勿用有所往一夫一人也易曰震一索而得男故曰一夫又曰震作足故為行也

初筮告再三瀆瀆則不告

蒙卦辭

孔子說無辭不相接也無禮不相見也欲民之母相喪也

易曰初筮告再三瀆瀆則不告

表記鄭注云辭所以通情也禮謂摯也春秋傳曰古

者諸侯有朝聘之事號辭必偁先君以相接也瀆之言褻也

師之臨

左氏說晉師救鄭蕘子以中軍佐濟知莊子曰此師殆哉
周易有之在師三三之臨三三曰師出以律否臧凶執事
順成爲臧逆爲否眾散爲弱川壅爲澤有律以如已也故
曰律否臧且律竭也盈而以竭天且不整所以凶也不行
之謂臨有帥而不從臨孰甚焉此之謂矣果遇必敗蕘子
尸之雖免而歸必有大咎

宣十二年

復自道何其咎

易小畜

荀子說易曰復自道何其咎春秋賢穆公以爲能變也

大

略篇

秦之需

左氏說晉趙鞅卜救鄭陽虎以周易筮之遇泰三三之需
三三曰宋方吉不可與也微子啟帝乙之元子也宋鄭甥
舅也社祿也若帝乙之元子歸妹而有吉祿我安得吉焉
乃止

哀九年

泰小往大來吉亨象曰天地交泰

泰卦辭象辭虞翻曰陽息坤反否也

坤陰譙外謂小往乾陽信內傳大來天地交萬物
通故吉亨荀爽曰坤氣上升以成天道乾氣下降
以成地道天地二氣若時不交則為閉塞今既相交乃通泰

董因說臣筮之得泰之八曰是謂天地配亨小往大來今

及之矣何不濟之有

韋注乾下坤上泰遇泰無動爻筮爲侯泰三至五震爲侯陰爻不動其數

皆八故得泰之八陽下陰升故曰配亨小喻子圍大喻文公陰在外爲小往陽在內爲大來

大有之乾

左氏說成季之將生也桓公又筮之遇大有三三之乾三

三曰同復于父敬如君所

閔二年

大有之睽

左氏說秦伯師于河上將納王狐偃言於晉侯曰求諸侯莫如勤王公曰筮之筮之遇大有三三之睽三三曰吉遇公用享于天子之卦戰克而王饗吉孰大焉且是卦也天

為澤以當日天子降心以逆公不亦可乎大有去睽而復

亦其所也晉侯辭秦師而下

僖二十五年

豫利建侯行師

豫卦辭鄭元曰坤順也震動也順其性而動者莫不皆得其所故謂之豫

豫當豫說樂之貌也震又為雷諸侯之象坤又為眾師役之象故利建侯行師矣

晉語公子親筮之曰尚有晉國

章昭曰誓曰筮尚上也命筮之辭也禮曰某子尚享

之得貞屯悔豫皆八也

內曰貞外曰悔震下坎上屯坤下震上豫得此兩卦震在屯為貞在

豫為悔八謂震兩陰爻在貞在悔皆不動故曰皆八謂爻無為也

司空季子曰吉是在易

皆利建侯

建立也以周易占之二卦皆吉也屯初九曰利建侯豫大象曰利建侯行師吉

國以輔王室安能建侯我命筮曰尚有晉國筮告我曰利

建侯得國之務也吉孰大焉震車也

易坤為大車震為動

動聲象雷其為小車乎

坎水也坤土也屯厚也豫樂也車班外內順

以訓之

車震也班徧也徧外內者謂屯之內有震豫之泉

原以資之

資財也屯三至五豫二至四皆有艮象像三至五有坎象艮出坎水水在山上為泉原流而不

竭土厚而樂其實不有晉國何以當之

屯豫皆有坤象重

應震雷也車也坎勞也水也眾也

易以坤為眾坎為水主

雷與車

主內為而尚水與眾

車有震武也

震威

聲軒隆象有威武

眾而順文也

坤為眾為順為文象

文武具厚之

至也故曰屯其繇曰元亨利貞勿用有攸往利建侯

繇卦辭也

通也貞正也攸所也往之也小人主震雷長也故曰元

勿用有所之君子則利建侯行師

內為主震為長男為雷雷為眾而順嘉也故曰亨嘉善也

諸侯故曰元元善之長也

善故曰亨亨內有震雷故利貞屯內有震賈侍中云震以

嘉之會也

利義之和也車上水下必伯也車震也水坎也車動而上威

貞事之幹也

從故必小事不濟壅也故曰勿用有攸往濟成也小事小

伯也

而遇坎坎為險阻一夫之行也一夫一人也易曰震一索

故曰勿用有所往

作是故眾順而有武威故曰利建侯坤母也震長男也母

為行也

老子彊故曰豫其繇曰利建侯行師居樂出威之謂也樂居

母在內也出威震在外也居是二者得國之卦也豫也

樂故利建侯出威故利行師

是二者得國之卦也

豫也

蠱

左氏說秦伯伐晉卜徒父筮之吉涉河侯車敗詰之對曰
乃大吉也三敗必獲晉君其卦遇蠱三三曰千乘三去三
去之餘獲其雄狐夫狐蠱必其君也蠱之貞風也其悔山
也歲云秋矣我落其實而取其材所以克也實落材亡不
敗何待

僖十五年

左氏說晉侯求醫於秦秦伯使醫和視之曰疾不可爲也
是謂近女室疾如蠱非鬼非食惑以喪志趙孟曰何謂蠱
對曰淫溺惑亂之所生也於文皿蟲爲蠱穀之飛亦爲蠱

在周易女惑男風落山謂之蠱三三皆同物也

昭元年

於文皿蟲爲蠱穀之飛亦爲蠱在周易女惑男風落

山謂之蠱

左氏昭元年傳

晉語說蠱之隱穀之飛實生之物莫伏於蠱莫嘉於穀穀
與蠱伏而章明者也故食穀者晝選男德以象穀明宵靜
女德以伏蠱隱今君一之是不饗穀而食蠱也是不昭穀
明而皿蠱也夫文蟲皿爲蠱吾是以云

韋注隱惡也言蠱之爲惡害於嘉穀

穀爲之飛若是類生蠱疾也伏藏也嘉善也穀氣起則蠱
伏藏穀不朽蠱而人食之章明之道也選擇也擇有德者
而親近之以象人食穀而有聰明靜安也伏去也言夜當
安女之有德者以禮自節以去己蠱害之病言蠱害穀猶

女害男也一一晝夜也皿器也言為蠱作器而受之

不事王侯高尙其事蠱上九

孔子說事君軍旅不辟難朝廷不辭賤處其位而不履其事則亂也故君使其臣得志則慎慮而從之否則孰慮而從之終事而退臣之厚也易曰不事王侯高尙其事表記鄭注

云言臣致仕而去不復事君也君猶高尙其所為之事言尊大其成功也

觀國之光利用賓于王觀六四

左氏說陳厲公生敬仲其少也周史有以周易見陳侯者陳侯使筮之遇觀三三之否三三曰是謂觀國之光利用

賓于王此其代陳有國乎不在此其在異國非此其身在
其子孫光遠而自他有耀者也坤土也巽風也乾天也風
爲天子土上山也有山之材而照之以天光于是乎居土
上故曰觀國之光利用賓于王庭實旅百奉之以玉帛天
地之美具焉故曰利用賓于王猶有觀焉故曰其在後乎
風行而著于土故曰其在異國乎若在異國必姜姓也姜
大嶽之後也山嶽則配天物莫能兩大陳衰此其昌乎

二十二年

復

左氏說楚子救鄭晉侯筮之史曰吉其卦遇復三三曰南
國蹙射其元王中厥目國蹙王傷不敗何待

成十六年

復之頤

左氏說鄭伯使游吉如楚及漢楚人還之曰宋之盟君實
親辱今吾子來寡君謂吾子姑還吾將使駟奔問諸晉而
以告子大叔歸告子展曰楚子將死矣不修其政德而貪
昧於諸侯以逞其願欲久得乎周易有之在復三三之頤
三三曰迷復凶其楚子之謂乎欲復其願而棄其本復歸
無所是謂迷復能無凶乎君其往也送葬而歸以快楚心

楚不幾十年未能恤諸侯也吾乃休吾民矣

襄二十八年

不耕穫不菑畲

无妄

孔子說禮之先幣帛也欲民之先事而後樂也先財而後禮則民利無辭而行情則民爭故君子於有饋者弗能見則不視其饋易曰不耕穫不菑畲凶

坊記鄭注云言必先種之乃得穫若先菑

乃得畲也安有無事而取利者乎田一歲曰菑二歲曰畲三歲曰新田

不家食吉

大畜

孔子說事君大言入則望大利小言入則望小利故君子不以小言受大祿不以大言受小祿易曰不家食吉

表記鄭注

曰此大畜彖辭也彖曰不家食吉養賢也言君有大畜積
不與家食之而已必有祿賢者賢有大小祿有多少孔疏
引鄭易注云自九三至上九有
願象居外是不家食吉而養賢

咸

荀子說易之咸見夫婦夫婦之道不可不正也君臣父子
之本也咸感也以高下下以男下女柔上而剛下

大略篇

不恆其德或承之羞

恆九三

恆其德貞婦人吉夫子凶

恆六四

孔子說南人有言曰人而無恆不可以爲卜筮古之遺言
與龜筮猶不能知也而況於人乎易曰不恆其德或承之

羞恆其德貞婦人吉夫子凶
緇衣鄭注云不可爲卜筮言
羞猶辱也貞問也問正爲貞婦人從人者也以問正爲常
德則吉夫子當專行幹事而以問正爲常德是亦無恆之
人也

大壯

左氏說史墨曰天生季氏以貳魯侯爲日久矣民之服焉
不亦宜乎魯君世從其失季氏世修其勤民忘君矣雖死
於外其誰矜之社稷無常奉君臣無常位自古以然在易
卦雷乘乾曰大壯三三天之道也
昭三十二年

明夷之謙

左氏說穆子之生也莊叔以周易筮之遇明夷三三之謙
三三以示卜楚丘曰是將行而歸爲子祀以讒人入其名
曰牛卒以餒死明夷日也日之數十故有十時亦當十位
自王以下其二爲公其三爲卿日上其中食日爲二旦日
爲三明夷之謙明而未融其當旦乎故曰爲子祀日之謙
當鳥故曰明夷于飛明而未融故曰巫其翼象日之動故
曰君子于行當三在旦故曰三日不食離火也艮山也離
爲火火焚山山敗於人爲言敗言爲讒故曰有攸往主人
有言言必讒也純離爲牛世亂讒勝勝將適離故曰其名

曰牛謙不足飛不翔墜不峻翼不廣故曰其爲子後乎吾
子亞卿也抑少不終

昭五年

困之大過

左氏說齊棠公之妻東郭偃之姊也東郭偃臣崔武子棠
公死偃御武子以弔焉見棠姜而美之使偃取之偃曰男
女辨姓今君出自丁臣出自桓不可武子筮之遇困三三
之大過三三史皆曰吉示陳文子文子曰夫從風風隕妻
不可娶也且其繇曰困于石據于蒺藜入于其宮不見其
妻凶困于石往不濟也據于蒺藜所恃傷也入于其宮不

見其妻凶無所歸也

襄二十五年

艮之隨

左氏說穆姜薨于東宮始往而筮之遇艮之八三三史曰是謂艮之隨三三隨其出也君必速出姜曰凶是於周易曰隨元亨利貞无咎元體之長也亨嘉之會也利義之和也貞事之幹也體仁足以長人嘉德足以合禮利物足以和義貞固足以幹事然故不可誣也是以雖隨無咎今我婦人而與於亂固在下位而有不仁不可謂元不靖國家不可謂亨作而害身不可謂利棄位而姣不可謂貞有四

德者隨而無咎我皆無之豈隨也哉我則取惡能無咎乎
必死於此弗得出矣

襄九年

歸妹之睽

左氏說晉獻公筮嫁伯姬於秦遇歸妹三三之睽三三史
蘇占之曰不吉其繇曰士刲羊亦無益也女承筐亦無貺
也西鄰責言不可償也歸妹之睽猶無相也震之離亦離
之震爲雷爲火爲羸敗姬車說其輶火焚其旗不利行師
敗于宗邱歸妹睽孤寇張之弧姪其從姑六年其遁逃歸
其國而棄其家明年其死於高粱之虛

僖十五年

豐之離

左氏說鄭公子曼滿與王子伯廖語欲爲卿伯廖告人曰
無德而貪其在周易豐三三之離三三弗過之矣間一歲
鄭人殺之宣六年

東鄰殺牛不如西鄰之禴祭寔受其福既濟

孔子說敬則用祭器故君子不以菲廢禮不以美沒禮故
食禮主人親饋則客祭主人不親饋則客不祭故君子苟
無禮雖美不食焉易曰東鄰殺牛不如西鄰之禴祭寔受
其福坊記鄭注云東鄰謂紂國中也西鄰謂文王國中也此辭在既濟既濟離下坎上離爲牛坎爲豕西鄰禴

祭則用豕與言殺牛而凶不如殺豕受福喻奢而慢
不如儉而敬也春秋傳曰黍稷非馨明德惟馨信矣

周人經說卷第一終

周人經說卷第二

蕭山 王紹蘭 南陔

書上

克明峻德

虞書堯典

大學說康誥曰克明德大甲曰顧諟天之明命帝典曰克

明峻德皆自明也

鄭注云帝典堯典亦尚書篇名也峻大也

克明明德

逸書

荀子說上宣明則下治辨矣上端誠則下愿慤矣上公正則下易直矣治辨則易一愿慤則易使易直則易知易一

則彊易使則功易知則明是治之所由生也上周密則下
疑元矣上幽險則下漸詐矣上偏曲則下比周矣疑元則
難一漸詐則難使比周則難知難一則不彊難使則不功
難知則不明是亂之所由生也故主道利明不利幽利宣
不利周故主道明則下安主道幽則下危故下安則貴上
下危則賤上故上易知則下親上矣上難知則下畏上矣
下親上則上安下畏上則上危故主道莫惡乎難知莫危
乎使下畏已傳曰惡之者眾則危書曰克明明德詩曰明
明在下故先王明之豈特立之耳哉

正論篇

泝水警余

逸書

孟子說當堯之時水逆行汜濫於中國蛇龍居之民無所
定下者爲巢上者爲營窟書曰泝水警余泝水者洪水也
使禹治之禹掘地而注之海驅蛇龍而放之菹水由地中
行江淮河漢是也險阻既遠鳥獸之害人者消然後人得
平土而居之滕文公篇趙注水逆行泝洞無涯故曰
孟子又說水逆行謂之泝水泝水者洪水也仁人之所惡
也

告子篇

慎徽五典五典克從 納于百揆百揆時序 賓于

四門四門穆穆

左氏說季文子曰昔高陽氏有才子八人天下之民謂之八愷高辛氏有才子八人天下之民謂之八元此十六族也世濟其美不隕其名以至于堯堯不能舉舜臣堯舉八愷使主后土以揆百事莫不時序地平天成舉八元使布五教于四方父義母慈兄友弟共子孝內平外成昔帝鴻氏有不才子天下之民謂之渾敦少皞氏有不才子天下之民謂之窮奇顓頊氏有不才子天下之民謂之檮杌此三族也世濟其凶增其惡名以至于堯堯不能去緡雲氏

有不才子天下之民以比三凶謂之饗饗舜臣堯賓于四
門流四凶族渾敦窮奇檮杌饕餮投諸四裔以禦魑魅是
以堯崩而天下如同一同心戴舜以爲天子以其舉十六相
去四凶也故虞書數舜之功曰慎徽五典五典克從無違
教也曰納于百揆百揆時序無廢事也曰賓于四門四門
穆穆無凶人也舜有大功二十而爲天子今行父雖未獲
一吉人去一凶矣於舜之功二十之一也庶幾免於戾乎

文十八年

維予從欲而治

逸書

荀子說舜曰維予從欲而治故禮之生爲賢人以下至庶民也非爲成聖也然而亦所以成聖也不學不成堯學於君疇舜學於務成昭禹學於西王國

大略篇

舜流其工于幽州放驩兜于崇山竄三苗于三危

殛于羽山四皐而天下咸服

虞書堯典

萬章說舜流其工于幽州放驩兜于崇山殺三苗于三危殛于羽山四罪而天下咸服誅不仁也

孟子萬章篇

分北三苗

虞書舜典疏引鄭元以爲流四凶者卿爲伯子大夫爲男降其位耳猶爲國君故以

三苗爲西裔諸侯猶爲惡乃復分北流之按北當爲火形聲相近而誤也說文八部火別也从重八

孝經說曰上下有別平部兼下云與古文別吳志
虞翻傳注引翻奏曰尚書分北三苗北古別字鄭
注訓北言北猶別誠可怪也江叔璠曰按與別
實不同無如世俗輒用別代與而不知有與字鄭
以時俗習用之字發明古字則人易曉故云與猶
別言此與字猶時俗所習用之別字也然則鄭不
訓爲別也且鄭言分析流之分析猶與也何嘗以
與爲北乎虞翻誣鄭不可聽也紹蘭謂說文解分
解也解卽別字在四部與在八部判然兩字別是
分解故許鄭皆訓與爲別許且引孝經說別字爲
證所謂厥誼不昭爰明以諭也經文及鄭注分北
本皆作分與後人多見北寡見與因改與爲北仲
翔亦但識北字不識與字并不識與所各爲一字
故誤以鄭訓北猶別爲違失可怪然鄭固作與不
作北也

墨子說昔者有三苗大亂天命殛之曰妖宵出雨血三朝

龍生於廟犬哭乎市夏冰地坼及泉五穀變化民乃大振
高陽乃命禹於元宮禹親把天之瑞令以征有苗四電誘
祗有神人面鳥身若瑾以侍搃矢有苗之祥未詳苗師大亂
後乃遂幾幾微也禹既已克有三苗焉曆為山川焉猶言於是也曆借字為治也謂禹於是歷治山川別物上下卿制大極畢校云說文卿章也而神民
不違天下乃靜則此禹之所以征有苗也非攻下篇

二十有八載帝乃殂落百姓如喪考妣三載四海遏

密八音虞書堯典

孟子說堯老而舜攝也堯典曰二十有八載放勛乃殂落

百姓如喪考妣三年四海遏密八音孔子曰天無二日民無二王舜既為天子矣又帥天下諸侯以為堯三年喪是二天子矣萬章篇趙注云孟子言舜攝行事耳未為天子也遏止也密無聲也八音不作哀思甚也曰一王一言不得竝也

祇載見瞽瞍夔夔齊栗瞽瞍亦允逸書某氏刺取此文為大禹謨允下

連若蓋誤讀孟子也趙注若是連讀可證

孟子說書曰祇載見瞽瞍夔夔齊栗瞽瞍亦允若是為父

不得而子也萬章篇趙注云尚書逸篇祇敬載事也夔夔

栗以見瞽瞍瞍亦信知舜之大孝若是為父不得而子也

欲常常而見之故源源而來不及貢以政接于有庠

逸書

孟子說象不得有爲於其國天子使吏治其國而納其貢
稅焉故謂之放豈得暴彼民哉雖然欲常常而見之故源
源而來不及貢以政接于有庠此之謂也

萬章篇趙注云雖不使象得豫

政事舜以兄弟之恩欲常常見之無已故源源而來如流水之與源通不及貢者不待朝貢諸侯常禮乃來也其間歲歲自至京師謂若天子以政事接見有庠之君者實親親之恩也此常常已下皆尚書逸篇之辭

賦納以言明試以功車服以庸

左氏說晉作三軍謀元帥趙衰曰卻縠可臣亟聞其言矣

說禮樂而敦詩書夏書曰賦納以言明試以功車服以庸
君其試之

唐二十七年

戒之用休董之用威勸之以九歌勿使壞

左氏說晉卻缺言於趙宣子曰日衛不睦故取其地今已
睦矣可以歸之夏書曰戒之用休董之用威勸之以九歌
勿使壞九功之德皆可歌也謂之九歌六府三事謂之九
功水火金木土穀謂之六府正德利用厚生謂之三事義
而行之謂之德禮無禮不樂所由叛也若吾子之德莫可
歌也其誰來之盍使睦者歌吾子乎

文七年

昏墨賊殺

逸書

左氏說叔向曰已惡而掠美爲昏貪以敗官爲墨殺人不忌爲賊夏書曰昏墨賊殺皋陶之刑也

昭十四年

皋陶邁種德

左氏說師及齊師圍邾邾降于齊師仲慶父請伐齊師公曰不可我實不德齊師何罪罪我之由夏書曰皋陶邁種德德乃降姑務修德以待時乎

莊八年

念茲在茲釋茲在茲名言茲在茲允出茲在茲惟帝

念功

左氏說邾庶其以漆閭止來奔季武子以公姑姊妻之皆有賜於其從者於是魯多盜季孫謂臧武仲曰子盍詰盜武仲曰不可詰也紇又不能紇也聞之在上位者洒濯其心壹以待人軌度其信可明徵也而後可以治人夫上所爲民之歸也上所不爲而民或爲之是以加刑罰焉而莫敢不懲若上之所爲而民亦爲之乃其所也又可禁乎夏書曰念茲在茲釋茲在茲名言茲在茲允出茲在茲惟帝念功將謂由已壹也信由已壹而後功可念也

襄二十

一年

官占唯能蔽志昆命于元龜

左氏說初右司馬子國之卜也觀瞻曰如志故命之及巴師至將卜帥王曰寧如志何卜焉使帥師而行敗巴師于鄭君子曰惠王知志夏書曰官占唯能蔽志昆命于元龜其是之謂乎志曰聖人不煩卜筮惠王其有焉

哀十八年

濟濟有眾咸聽朕言非惟小子敢行稱亂蠢茲有苗

用天之罰若子既率爾羣對諸羣以征有苗

逸書

禹誓

墨子說雖禹誓卽亦猶是也禹曰濟濟有眾咸聽朕言非

惟小子敢行僭亂蠢茲有苗用天之罰若子既率爾羣對
諸羣以征有苗禹之征有苗也非以求以重富貴千福祿
樂耳目也以求興天下之利除天下之害卽此禹兼也兼

愛下篇

允不著惟天民不而葆既防凶心天加之咎不慎厥

德天命焉葆

逸書

墨子說禹之總德有之曰允不著惟天民不而葆而同能葆同保

既防凶心天加之咎不慎厥德天命焉葆

非命下篇

眾非元后何戴后非眾無與守邦 余一人有辜無

月言二
以萬夫萬夫有辜在余一人 國之賊則維女眾國
之不賊則維余一人是有逸罰

內史過說夏書有之曰眾非元后何戴后非眾無與守邦
在湯誓曰余一人有辜無以萬夫萬夫有辜在余一人在
般庚曰國之賊則維女眾國之不賊則維余一人是有逸
罰如是則長眾使民不可不慎也民之所急在於大事先
王知大事之必以眾濟也故祓除其心以和惠民考中度
衷以涖之昭明物則以訓之制義庶孚以行之祓除其心
精也考中度衷忠也昭明物則禮也制義庶孚信也然則

長眾使民之道非精不和非忠不立非禮不順非信不行
今僭侯卽位而背外內之賂虐其處者棄其信也不敬王
命棄其禮也施其所惡棄其忠也以惡實心棄其精也四
者皆棄則遠不至而近不和矣將何以守國古者先王旣
有天下又崇立上帝明神而敬事之於是乎有朝日夕月
以教民事君諸侯春秋受職於王以臨其民大夫士日恪
位箴以儆其官庶人工商各守其業以其其上猶恐有墜
失也故爲車服旗章以旌之爲摯幣瑞節以鎮之爲班爵
賞賤以列之爲令聞嘉譽以聲之猶有散遷解慢而箴在

刑辟流在裔土於是乎有夷蠻之國有斧鉞刀墨之民而
況可以淫縱其身乎

周語

惟口出好興戎

逸書

墨子說是以先王之書術令之道曰惟口出好興戎則此
言善用口者出好不善用口者以爲讒賊寇戎則此豈口
不善哉用口則不善也故遂以爲讒賊寇戎故古者之置
正長也將以治民也

尙同中篇

一人三失怨豈在明不見是圖 怨不在大亦不在

小

晉三卿宴于藍臺知襄子戲韓康子而侮段規知伯國說
夏書有之曰一人三失怨豈在明不見是圖周書有之曰
怨不在大亦不在小夫君子能勤小物故無大患今主一
宴而恥人之君相又弗備曰不敢興難無乃不可乎夫誰
不可喜而誰不可懼蝼蝻蠱蠹皆能害人況君相乎

晉語
韋注

三失三失人也明
著也不見未形也

左氏說晉侯使卻至獻楚捷于周與單襄公語驟傳其伐
單子語諸大夫曰溫季其亡乎位於七人之下而或掩其
上怨之所聚亂之本也多怨而階亂何以在位夏書曰怨

豈在明不見是圖將慎其細也今而明之其可乎

成十六

年

惟彼陶唐帥彼天常有此冀方今失其行亂其紀綱
乃滅而亡 允出茲在茲

左氏說有雲如眾赤鳥夾日以飛三日楚子弗榮初昭王
有疾卜曰河爲祟王弗祭孔子曰楚昭王知大道矣其不
失國也宜哉夏書曰惟彼陶唐帥彼天常有此冀方今失
其行亂其紀綱乃滅而亡又曰允出茲在茲由已率常可

矣
哀六年

邇人以木鐸徇于路官師相規工執藝事以諫正月
孟春於是乎有之

左氏說師曠曰自王以下各有父兄子弟以補察其政史
爲書瞽爲詩工誦箴諫大夫規誨士傳言庶人謗商旅于
市百工獻藝故夏書曰邇人以木鐸徇于路官師相規工
執藝事以諫正月孟春於是乎有之諫失常也

襄十四年

辰不集于房瞽奏鼓嗇夫馳庶人走

左氏說夏六月甲戌朔日有食之祝史請所用幣昭子曰
日有食之天子不舉伐鼓於社諸侯用幣於社伐鼓於朝

禮也平子禦之曰止也唯正月朔慝未作日有食之於是
有伐鼓用幣禮也其餘則否大史曰在此月也日過分而
未至三辰有災於是乎百官降物君不舉辟移時樂奏鼓
祝用幣史用辭故夏書曰辰不集于房瞽奏鼓嗇夫馳庶
人走此月朔之謂也當夏四月是謂孟夏平子弗從昭子
退曰夫子將有異志不君君矣

昭十七年

關石繒均王府則有

逸書

周語說景王二十一年將鑄大錢單穆公曰不可古者天
災降戾於是乎量資幣權輕重以振救民民爲輕則爲之

作重幣以行之於是乎有母權子而行民皆得焉若不堪
重則多作輕而行之亦不廢重於是乎有子權母而行小
大利之夏書有之曰關石鬴均王府則有絕民用以實王
府猶塞川原而爲潢汚也其竭也無日矣韋注重日母輕
日子以子買物
物輕則子獨行物重則以母權而行之子母相通民皆得
其欲堪任也不任之者幣重物輕妨其用也故作輕幣雜
而用之以重者買其貴以輕者買其賤子權母者母不足
則以子平而行之故錢小大民皆以爲利也夏書逸書也
關門關之征也石今之斛也言征賦調
均則王之府藏常有也一日關衡也

大戰于甘乃召六卿王曰嗟六事之人予誓告汝有

扈氏威侮五行怠棄三正天用勦絕其命今予惟

恭行天之罰左不攻于左汝不恭命右不攻于右

汝不恭命御非其馬之正汝不恭命用命賞于祖

弗用命戮于社夏書甘誓釋文引馬注三正建子

樸疏史記夏本紀集解引鄭注天子之兵故曰大

六卿者六軍之將周禮六軍將皆命卿則三代同

矣變六卿言六事之人言軍吏下及士卒也有扈

與夏同姓五行四時盛德所行之政也威侮逆之

三正天地人之正

道左車左右車右

墨子說且商書獨鬼而夏書不鬼則未足以爲法也然則

姑嘗上觀乎夏書禹誓曰大戰于甘王乃命左右六人下

聽誓于中軍曰有扈氏威侮五行怠棄三正天用勦絕其

命有曰日中今予與有扈氏爭一日之命且爾卿大夫庶人予非爾田野葆士之欲也予其行天之罰也左不共于左右不共于右若不共命御非爾馬之政若不共命是以賞於祖而僇於社賞於祖者何也言分命之均也僇於社者何也言聽獄之中也故古聖王必以鬼神爲賞賢而罰暴是故賞必於祖而僇必於社此吾所以知夏書之鬼也

明鬼篇

啟乃淫溢康樂野于飲食將將銘苒磬以力湛濁于酒渝食于野萬舞翼翼章聞于大天用弗式

逸書

墨子說於武觀曰啟乃淫溢康樂野于飲食將將銘莧磬
以力湛濁于酒渝食于野萬舞翼翼章聞于大天用弗式
故上者天鬼弗戒下者萬民弗利非樂上篇畢氏校注云武觀五觀也楚語士嬀
曰夏有五觀韋昭云五觀啟子太康昆弟也春秋傳曰夏有觀扈野于疑作于野莧疑筦之誤大當爲天江聲云啟乃字當爲啟子啟子五觀也紹蘭按莧筦音近通用非誤也力卽勒字銘莧磬以力謂作筦磬之銘而勒之

有窮后羿

左氏說魏絳曰夏訓有之曰有窮后羿公曰后羿何如對
曰昔有夏之方衰也后羿自鉏遷于窮石因夏民以代夏
政恃其射也不修民事而淫于原獸寒浞伯明氏之讒子

弟也夷羿收之愚弄其民而虞羿于田羿猶不悛將歸自
田家眾殺而亨之以食其子其子不忍食諸死于窮門有
窮由是遂亡昔周辛甲之爲大史也命百官官箴王闕於
虞人之箴曰芒芒禹迹畫爲九州經啟九道民有寢廟獸
有茂草各有攸處德用不擾在帝夷羿冒于原獸亡其國
恤而思其麇牡武不可重用不恢于夏家獸臣司原敢告
僕夫虞箴如是可不懲乎於是晉侯好田故魏絳及之

襄

四年

民可近也而不可上也

逸書

單襄公說人有言曰兵在其頸其卻至之謂乎君子不自
侮也非以讓也惡其蓋人也夫人性陵上者也不可蓋也
求蓋人其抑下滋甚故聖人貴讓且諺曰獸惡其網民惡
其上書曰民可近也而不可上也詩曰愷悌君子求福不
回在禮敵必三讓是則聖人知民之不可加也故王天下
者必先諸民然後庇焉則能長利今卻至位在七人之下
而欲上之是求蓋七人也其亦有七怨怨在小醜猶不可
堪而況在侈卿乎其以待之

周語韋注書逸書民可近
可以恩意近也不可上不

可高上
上陵也

湯一征自葛始

逸書湯征

孟子說臣聞七十里爲政於天下者湯是也未聞以千里畏人者也書曰湯一征自葛始天下信之東面而征西夷怨南面而征北狄怨曰奚爲後我民望之若大旱之望雲霓也歸市者不止耕者不變誅其君而弔其民若時雨降民大悅書曰徯我后后來其蘇

梁惠王篇紹蘭案書敘湯征諸侯葛伯不祀湯始征

之作湯征史記殷本紀湯征諸侯葛伯不祀湯始伐之湯日子有言人視水見形視民知治不伊尹曰明哉言能聽道乃進君國子民爲善者皆在王官勉哉曰汝不能敬命子大罰殛之無有攸赦作湯征蓋自湯曰以下至無有攸赦卽湯征逸文之未完者亦可補孟子之說

孟子又說湯始征自葛載十一征而無敵於天下東面而
征西夷怨南面而征北狄怨曰奚爲後我民之望之若大
旱之望雨也歸市者弗止芸者不變誅其君弔其民如時
雨降民大悅書曰徯我后后來其無罰滕文公篇趙注言湯初征自葛始也
十一征而服天下一說言當作再字再十一者湯再出征十一國再十一凡征二十二國也

葛伯仇餉逸書

孟子說湯居亳與葛爲鄰葛伯放而不祀湯使人問之曰
何爲不祀曰無以供犧牲也湯使遺之牛羊葛伯食之又
不以祀湯又使人問之曰何爲不祀曰無以供粢盛也湯

使亳眾往爲之耕老弱饋食葛伯率其民要其有酒食黍
稷者奪之不授者殺之有童子以黍肉餉殺而奪之書曰
葛伯仇餉此之謂也爲其殺是童子而征之四海之內皆
曰非富天下也爲匹夫匹婦復讎也滕文公篇趙注葛夏諸侯羸姓之國放縱無道不祀先祖童子未成人殺之尤無狀書尙書逸篇也仇怨也言湯所以伐殺葛伯怨其害此餉也四海之民皆曰湯不貪天下富也爲一夫報仇也

予小子履敢用玄牡敢昭告于皇皇后帝有罪不敢

赦帝臣不蔽簡在帝心朕躬有臯無以萬方萬方

有臯臯在朕躬

論語堯曰篇孔安國曰履殷湯名也此伐桀告天文也殷家尙白未

變夏禮故用玄牡也皇大也后君也大大君帝謂
天帝也墨子引湯誓其辭若此也無以萬方萬方
不預也萬方有
皐我身過也

內史過說在湯誓曰余一人有皐無以萬夫萬夫有皐在

余一人

周語韋注湯誓商書伐桀之誓也今湯誓無此言則已散亡矣天子自稱曰余一人余一人有皐無

皐萬夫在余一人乃我教導之過

墨子說雖湯說卽亦猶是也湯曰惟予小子履敢用玄牡
告於上天后曰今天大旱卽當朕身履未知得罪于上下
有善不敢蔽有罪不敢赦簡在帝心萬方有皐卽當朕身
朕身有皐無及萬方卽此言湯貴爲天子富有天下然且

不憚以身爲犧牲以祠說于上帝鬼神卽此湯兼也

兼愛

下篇

聿求元聖與之戮力同心以治天下

逸書湯誓

墨子說湯誓曰聿求元聖與之戮力同心以治天下則此言聖之不失以尙賢使能爲政也故古者聖王唯能審以尙賢使能爲政無異物雜焉天下皆得其利

尙賢中篇

時日曷喪予及女皆亡

商書湯誓孔疏引鄭注桀見民欲叛乃自比於日日是日

何嘗喪乎日若喪亡我與汝亦皆喪亡引不亡之徵以脅下民也

孟子說湯誓曰時日害喪予及女皆亡民欲與之皆亡雖

有臺池鳥獸豈能獨樂哉梁惠王篇趙岐注時是也日乙

姓皆欲與湯共伐之湯臨士眾而誓之言是日樂當大喪亡我與女俱往亡之按尚書大傳夏人飲酒醉者持不醉者不醉者持醉者相和而歌曰盍歸于亳盍歸于亳亳亦大矣故伊尹退而閒居淡聽樂聲更日覺今較今吾大命格兮去不善而就善何樂兮伊尹入告于桀曰大命之亡有日矣桀憫然歎嗟然笑曰天之有日猶吾之有民也日有亡哉日亡吾亦亡矣鄭注自比于天言常在也比於日言去復來也其注湯誓即本大傳與孟子異義趙注以日為乙卯日謂湯言我與女俱往亡之非孟子本指與大傳亦異下言民皆欲與湯共亡桀此正義也

取亂侮亡 遵養時晦 無競惟烈增

左氏說晉師救鄭隨武子曰見可而進知難而退軍之善政也兼弱攻昧武之善經也子姑整軍而經武乎猶有弱

而昧者何必楚仲虺有言曰取亂侮亡兼弱也洵曰於鑠
王師遵養時晦耆昧也武曰無競惟烈撫弱者昧以務烈
所可也

宣十二年

亡者侮之亂者取之

左氏說晉侯問衛故於中行獻子對曰不如因而定之衛
有君矣伐之未可以得志而勤諸侯史佚有言曰因重而
撫之仲虺有言曰亡者侮之亂者取之推亡固存國之道
也君其定衛以待時乎

襄十四年

我聞於夏人矯天命布命于下帝伐之惡襲喪厥師

墨子說若上世暴王不忍其耳目之淫心涂之辟不順其親戚遂亡失國家傾覆社稷不知曰我罷不肖爲政不善必曰吾命固失之於仲虺之告曰我聞於夏人矯天命布命于下帝伐之惡襲喪厥師此言湯之所以非桀之執有命也

非命上篇

墨子又說昔者三代之暴王不繆其耳目之淫不慎其心志之僻外之毆騁田獵畢弋內沈于酒樂不肯曰我罷不肖我爲刑政不善必曰我命故且亡雖昔也三代之窮民

亦由此也內之不能善事其親戚外不能善事其君長惡
恭儉而好簡易貪飲食而惰從事衣食之財不足使身至
有饑寒凍餒之憂必不能曰我罷不肖我從事不疾必曰
我命固且窮雖昔也三代之僞民亦猶此也繁飾有命以
教眾愚樸人久矣聖人之患此也故書之竹帛琢之金石
於先王之書仲虺之告曰我聞有夏人矯天命布命于下
帝式是惡用闕師此語夏王桀之執有命也湯與仲虺共
非之

非命中篇

墨子又說仲虺之告曰我聞有夏人矯天命于下帝式是

增用爽厥師彼用無爲有故謂矯若有而爲有夫豈爲矯哉昔者桀執有命而行湯爲仲虺之告以非之

非命下篇

諸侯自爲得師者王得友者霸得疑者存自爲謀而

莫已若者亡

逸書

荀子說楚莊王謀事而當羣臣莫逮退朝而有憂色申公巫臣進問曰王朝而有憂色何也莊王曰不穀謀事而當羣臣莫能逮是以憂也其在中歸之言也曰諸侯自爲得師者王得友者霸得疑者存自爲謀而莫已若者亡今以不穀之不肖而羣臣莫吾逮吾國幾於亡乎是以憂也

堯

問篇

惟尹躬及湯咸有壹惠

逸書

孔子說爲上可望而知也爲下可述而志也則君不疑於其臣而臣不惑於其君矣尹吉曰惟尹躬及湯咸有壹德

緇衣鄭注志猶知也吉當爲告告古文誥字之誤也尹告伊尹之誥也書序以爲咸有壹德今亡咸皆也君臣皆有壹德不貳則無疑惑也江叔雲曰堯典正義云鄭以咸有壹惠爲在湯誥後于百篇爲第三十二案殷本紀于湯誥之後卽云伊尹作咸有一惠蓋鄭傳賈馬之學乃孔氏古文也而司馬遷嘗從孔安國問故亦以此篇次湯誥後則是孔氏古文之次如此且據禮記緇衣兩引此篇之文三復其文卽可知是成湯時書矣其次固應在湯誥後

其恆舞于宮是謂巫風其刑君子出絲二衛小人否

月言二
三
似二伯黃徑乃言曰嗚乎舞佯佯黃言孔章上帝
弗常九有以亡上帝不順降之百殍其家必壞喪

逸書

墨子說先王之書湯之官刑有之曰其恆舞于宮是謂巫
風其刑君子出絲二衛小人否似二伯黃徑乃言曰嗚乎
舞佯佯黃言孔章上帝弗常九有以亡上帝不順降之百
殍其家必壞喪察九有之所以亡者徒從飾樂也

非樂上

篇

嗚呼古者有夏方未有禍之時百獸貞蟲允及飛鳥

莫不比方矧佳人面胡敢異心山川鬼神亦莫敢

不寧若能其允佳天下之合下土之葆

商書逸文

墨子說且周書獨鬼而商書不鬼則未足以爲法也然則姑嘗上觀乎商書曰嗚呼古者有夏方未有禍之時百獸貞蟲允及飛鳥莫不比方矧佳人面胡敢異心山川鬼神亦莫敢不寧若能其允佳天下之合下土之葆察山川鬼神之所以莫敢不寧者以佐謀禹也此吾所以知商之鬼也

明鬼篇

顧諟天之明命

逸書大甲

周說二

三

大學說康誥曰克明德大甲曰顧諟天之明命帝典曰克

明峻德皆自明也

鄭注云皆自明明德也顧念也諟猶正也諟或爲題

厥辟不辟忝厥祖

逸書

孔子說父子不同位以厚敬也書云厥辟不辟忝厥祖

坊記

鄭注云厥其也辟君也忝辱也爲君不君與臣子相褻則辱先祖矣君父之道宜尊嚴

毋越厥命以自覆也若虞機張往省括于厥度則釋

惟口起羞 天作孽可違也自作孽不可以追

惟尹躬天見于西邑夏自周有終相亦惟終

孔子說小人溺於水君子溺於口大人溺於民皆在其所

褻也夫水近於人而溺人德易狎而難親也易以溺人口
費而煩易出難悔易以溺人夫民閉於人而有鄙心可敬
不可慢易以溺人故君子不可以不慎也大甲曰毋越厥
命以自覆也若虞機張往省括于厥度則釋緇衣鄭注越
其也覆敗也言無自顛蹙女之政教以自毀敗虞主田獵
之地者也機弩牙也度謂所擬射也虞人之射禽弩已張
從機開視括與所射參相得乃後釋弦發矢為
政亦以已心參於羣臣及萬民可乃後施也
免命曰惟
口起羞惟甲冑起兵惟衣裳在笥惟干戈省厥躬兒當為說謂殷
高宗之臣傳說也作書以命高宗尚書篇名也羞猶辱也
衣裳朝祭之服也惟口起辱當慎言語也惟甲冑起兵當
慎軍旅之事也惟衣裳在笥當服以為禮
也惟干戈省厥躬當恕己不尙害人也
大甲曰天作孽

可違也自作孽不可以逭

違猶辟也逭逃也

尹吉曰惟尹躬天見

于西邑夏自周有終相亦惟終

尹吉亦尹誥也天當為先字之誤忠信為周相助也

謂臣也伊尹言尹之先祖見夏之先君臣皆忠信以自終今天絕桀者以其自作孽伊尹始仕於夏此時就湯矣夏之邑在亳西見或為敗邑或為子

天作孽猶可違自作孽不可活

逸書太甲

孟子說今國家閒暇及是時般樂怠敖是自求禍也禍福

無不自己求之者詩云永言配命自求多福太甲曰天作

孽猶可違自作孽不可活此之謂也

公孫丑篇趙注殷王太甲言天之妖孽尚

可違避譬若高宗雖雉宋景守心之變皆可以德消去也自己作孽者若帝乙慢神震死是為不可活也

孟子又說有孺子歌曰滄浪之水清兮可以濯我纓滄浪之水濁兮可以濯我足孔子曰小子聽之清斯濯纓濁斯濯足矣自取之也夫人必自侮然後人侮之家必自毀然後人毀之國必自伐然後人伐之大甲曰天作孽猶可違自作孽不可活此之謂也

離婁篇

民非后無能胥以寧后非民無以辟四方

逸書太甲

孔子說以德報德則民有所勸以怨報怨則民有所懲大甲曰民非后無能胥以寧后非民無以辟四方

表記鄭注云大甲湯

孫也書以名篇胥相也民非君不能以相安

欲敗度縱敗禮

逸書

左氏說晉平公卒鄭子皮將以幣行子產曰喪焉用幣用幣必百兩百兩必千人千人至將不行不行必盡用之幾千人而國不亡子皮固請以行既葬諸侯之大夫欲因見新君叔向辭之皆無辭以見子皮盡用其幣歸謂子羽曰非知之實難將在行之夫子知之矣我則不足書曰欲敗度縱敗禮我之謂矣夫子知度與禮矣我實縱欲而不能自克也

昭十年

皇天無親惟德是輔
黍稷非馨明德惟馨
民不

易物惟德繫物

左氏說晉侯復假道於虞以伐虢宮之奇諫公曰晉吾宗也豈害我哉對曰將虢是滅何愛於虞公曰吾享祀豐絜神必據我對曰臣聞之鬼神非人實親惟德是依故周書曰皇天無親惟德是輔又曰黍稷非馨明德惟馨又曰民不易物惟德繫物如是則非德民不和神不享矣神所馮依將在德矣若晉取虞而明德以薦馨香神其吐之乎弗聽宮之奇以其族行曰虞不臘矣在此行也晉不更舉矣

傳五年

伊尹曰予不狎於不順放太甲於桐民大悅太甲賢

又反之民大悅逸書

公孫丑問伊尹曰予不狎於不順放太甲於桐民大悅太甲賢又反之民大悅賢者之爲人臣也其君不賢則固可放與孟子說有伊尹之志則可無伊尹之志則篡也盡心篇趙

注云人臣秉忠志若伊尹欲寧殷國則可放惡而不卽立君宿留冀改而復之如無伊尹之忠見聞乘利篡心乃生

何可放也

又孟子說伊尹相湯以王於天下湯崩大丁未立外丙二年仲壬四年大甲顛覆湯之典刑伊尹放之於桐三年大

甲悔過自怨自艾於桐處仁遷義三年以聽伊尹之訓已

也復歸于亳

萬章篇趙注云大丁湯之太子未立而薨外丙立二年仲壬立四年皆大丁之弟也人甲

大丁子也伊尹以其顛覆典刑放之於桐邑處居也遷徙也居仁徙義自怨其惡行艾治也治而改過以聽伊尹之教訓已故復得歸之於亳反天子位也

天誅造攻自牧宮朕載自毫

逸書伊訓

孟子說伊尹耕於有莘之野而樂堯舜之道焉非其義也非其道也祿之以天下弗顧也繫馬千駟弗視也非其義也非其道也一介不以與人一介不以取諸人湯使人以幣聘之囁囁然曰我何以湯之聘幣爲哉我豈若處畎畝

之中由是以樂堯舜之道哉湯三使往聘之旣而幡然改
曰與我處畎畝之中由是以樂堯舜之道吾豈若使是君
爲堯舜之君哉吾豈若使是民爲堯舜之民哉吾豈若於
吾身親見之哉天之生此民也使先知覺後知使先覺覺
後覺也予天民之先覺者也予將以斯道覺斯民也非予
覺之而誰也思天下之民匹夫匹婦有不被堯舜之澤者
若已推而內之溝中其自任以天下之重如此故就湯而
說之以伐夏救民吾未聞枉己而正人者也況辱己以正
天下者乎聖人之行不同也或遠或近或去或不去歸絜

其身而已矣吾聞其以堯舜之道要湯未聞以割烹也伊

訓曰天誅造攻自牧宮朕載自毫萬章篇趙注云伊訓尚書逸篇名牧宮樂宮朕

我也謂湯也載始也毫殷都也言意欲誅伐桀造作可攻

討之罪者從牧宮桀起自取之也湯曰我始與伊尹謀之於毫遂順天而誅之也

墨子說逯至乎夏王桀天有梼命畢氏校注云梼當是誥字日月不時

寒暑雜至五穀焦死鬼呼於國鵠鳴十夕餘盧召弓云鵠字未詳若作

鵠與鵠同天乃命湯於鑪宮用受夏之大命夏德大亂予既卒

其命於天矣往而誅之必使汝堪之此錢字之假音說文云錢殺也爾雅云堪

勝也文選注載湯焉敢奉率其眾焉之爲言於是以鄉有夏

之境帝乃使陰暴毀有夏之城少少有神來告曰夏德大

亂往攻之予必使汝大堪之予既受命於天天命融隆火

于夏之城開西北之隅命說融降火湯奉桀眾以克有屬

諸侯於薄此作薄是也管子之數云湯有七十里之薄周書殷祝解云湯放桀而復薄荀子議兵云古者

湯以薄武王以高呂氏春秋云湯嘗約于鄆薄皆作薄地

理志云河南偃師尸鄉殷湯所都是今河南偃師也史記

集解云皇甫謐曰梁國穀孰為南亳即湯都也括地志云

朱州穀孰縣西南三十里南亳故城即南亳湯都也宋州

北五十里大蒙城為景亳湯所盟地因景山為名河南偃

師為西亳帝嚳及湯所都盤庚亦徙都之又案薄惟孟子

作亳非正字也亳京兆杜陵亭見說文別薦章天命通于

有亳王號湯在今陝西三原縣地各不同

四方而天下諸侯莫敢不賓服則此湯之所以誅桀也

非攻

下篇紹蘭案墨子鍾宮卽孟子牧宮薄卽亳天乃命湯於
桀宮往而誅之卽天誅造攻自牧宮也湯率衆以克有
屬諸侯於薄卽
朕載自亳也

如火之燎于原不可鄉邇其猶可撲滅

左氏說善不可失惡不可長其陳桓公之謂乎長惡不悛
從自及也雖欲救之其將能乎商書曰惡之易也如火之
燎于原不可鄉邇其猶可撲滅

隱六年

左氏說蔡哀侯爲莘故繩息嬀以語楚子楚子以蔡侯滅
息遂伐蔡君子曰商書所謂惡之易也如火之燎于原不
可鄉邇其猶可撲滅者其如蔡哀侯乎

莊十四年

其有顛越不共則剿殄無遺育無俾易種于茲邑

左氏說吳將伐齊越子率其眾以朝焉吳人皆喜子胥諫曰越在我心腹之疾也得志於齊猶獲石田也無所用之盤庚之誥曰其有顛越不共則剿殄無遺育無俾易種于茲邑是商所以興也今君易之將以求大不亦難乎

哀十一年

念終始典于學

逸書說命

學記說玉不琢不成器人不學不知道是故古之王者建國君民敬學爲先兌命曰念終始典于學其此之謂乎

鄭注

云典經也言學之不舍業也允當爲說字之誤也
高宗夢傳說求而得之作說命三篇在尙書今亡

文王世子說天子視學大昕鼓徵所以警衆也衆至然後
天子至乃命有司行事興秩節祭先師先聖焉有司卒事
反命始之養也適東序釋奠於先老遂設三老五更羣老
之席位焉適饌省醴養老之珍具遂發咏焉退修之以孝
養也反登歌清廟既歌而語以成之也言父子君臣長幼
之道合德音之致禮之大者也下管象舞大武合衆以
事達有神興有德也正君臣之位貴賤之等焉而上下之
義行矣有司告以樂闋王乃命公侯伯子男及羣吏曰反

養老幼於東序終之以仁也是故聖人之記事也慮之以
大愛之以敬行之以禮修之以孝養紀之以義終之以仁
是故古之人一舉事而眾皆知其德之備也古之君子舉
大事必慎其終始而眾安得不喻焉兗命曰念終始典于
學鄭注周禮凡用樂大胥以鼓徵學士三老五更各一人也皆年老更事致仕者也天子以父兄養之示天下之
孝弟也名以三五者取象三辰五星天所因以照明天下
者羣老無數其禮亡以鄉飲酒禮言之席位之處則三老
如賓五更加介羣老如眾賓必也既歌謂樂正告正歌備
也語談說也歌備而旅旅而說父子君臣長幼之道諸台
樂之所美以成其意鄉射記曰古者於旅也語羣吏鄉遂
之官王於燕之末而命諸侯時朝會在此者各反養老如
此禮是終其仁心孝經說所謂諸侯歸各帥於國大夫勤
於朝州里驩於邑是也兗當爲說典當也念事之終始常

於學學禮

義之府

爵無及惡德民立而正事純而祭祀是謂不敬事煩

則亂事神則難

逸書

孔子說南人有言曰人而無恆不可以爲卜筮古之遺言

與龜策猶不能知也而況於人乎兌命曰爵無及惡德民

立而正事純而祭祀是爲不敬事煩則亂事神則難

鄭注

云不可爲卜筮言卦兆不能見其情定其吉凶也惡德無恆之德純猶皆也言君祭祀賜諸臣爵毋與惡德之人也民將立以爲正言放倣之疾事皆如是而以祭祀是不敬鬼神也惡德之人使事煩事煩則亂使事鬼神又難以得福也純或爲煩

學學半

逸書說命

學記說雖有嘉肴弗食不知其旨也雖有至道弗學不知其善也是故學然後知不足教然後知困知不足然後能自反也知困然後能自強也故曰教學相長也兌命曰學學半其此之謂乎

鄭注云言學人乃益己之學半

以余正四方余恐德之不類茲故不言 若金用女

作礪若津水用女作舟若天旱用女作霖雨啟乃心沃朕心若藥不瞑眩厥疾不瘳若跣不視地厥

足用傷

逸書說命

白公子張說昔殷武丁能聳其德至於神明以入於河自
河徂毫於是乎三年默以思道卿士患之曰王言以出令
也若不言是無所稟令也武丁於是作書曰以余正四方
余恐德之不類茲故不言如是而又使以象夢求四方之
賢聖得傳說以來升以爲公而使朝夕規諫曰若金用女
作礪若津水用女作舟若天旱用女作霖雨啟乃心沃朕
心若藥不瞑眩厥疾不瘳若跣不視地厥足用傷若武丁
之神明也其聖之叡廣也其知之不疚也猶自謂未乂故
三年默以思道旣得道猶不敢專制使以象旁求聖人旣

得以爲輔又恐其荒失遺忘故使朝夕規誨箴諫曰必交

修余無余棄也

楚語韋注以書解卿士也賈唐云書說命也昭曰非也其時未得傳說紹蘭案宏嗣

蓋謂以余正四方三句其時未得傳說非說命之文今謂此敘得說之由猶殷庚篇未遷時先述籲眾矢言也賈唐

是說

夫建國設都乃作后王君公否用泰也

輕輕當爲卿輕聲之誤也

大夫師長否用佚也維辯使治天均

逸書

墨子說古者之置正長也將以治民也譬之若絲縷之有紀而罔苦之有綱也將以運役淫暴而一同其義也是以先王之書相年之道曰夫建國設都乃作后王君公否用

泰也輕

當作卿

大夫師長否用佚也維辯使治天均則此語

古者上帝鬼神之建設國都立正長也非高其爵厚其祿

富貴佚而錯之也將以爲萬民興利除害富貴貧寡安危

治亂也

尙同中篇

墨子又說天子以其知力爲未足獨治天下是以選擇其
次立爲三公三公又以其知力爲未足獨左右天子也是
以分國建諸侯諸侯又以其知力爲未足獨治其四境之
內也是以選擇其次立爲卿之宰卿之宰又以其知力爲
未足獨左右其君也是以選擇其次立而爲鄉長家君是

故古者天子之立三公諸侯卿之宰鄉長家君非特富貴游佚而擇之也將使助治亂刑政也故古者建國設都乃立后王君公奉以卿士師長此非欲用逸也唯辯而使助治天明也

尚同下篇

敬孫務時敏厥修乃來

逸書說命

學記說大學之教也時教必有正業退息必有居學不學操縵不能安弦不學博依不能安詩不學雜服不能安禮不興其藝不能樂學故君子之於學也藏焉修焉息焉遊焉夫然故安其學而親其師樂其友而信其道是以雖離

師輔而不反也兌命曰敬孫務時敏厥修乃來其此之謂

乎鄭注云有居有常居也操縵雜弄博依廣譬喻也依或

爲衣雜服冕服皮弁之屬雜或爲雅興之言喜也歆也

藝謂禮樂射御書數藏謂懷抱之修習也息謂作勞休止

於之息遊謂閒暇無事於之遊敬孫敬道孫業也敏疾也

厥其也學者務及時而疾其所修之業乃來衆鄭讀有居

爲句學字自爲句其云於之息於之遊蓋讀於爲諸侯相

於

之

周人經說卷第一終